

Iglesia Católica. Papa (1700-1721: Clemente XI)

**Cunctis ubique pateat evidenter ac notum sit quod
anno ... Millessimo, septigentessimo, quinto, die
verò VII, martii, Pontificatus autem ... Patris ...
Clementis ... Papae XI ...Clemens Papa X ad
perpetuam rei memoeriam: Militantis Ecclesiae
Regimini, meritis licet imparibus ...**

[S.l. : s.n., 1705].

Vol. encuadernado con 24 obras

Signatura: FEV-AV-G-00017 (03)

La obra reproducida forma parte de la colección de la Biblioteca del Banco de España y ha sido escaneada dentro de su proyecto de digitalización

<http://www.bde.es/bde/es/secciones/servicios/Profesionales/Biblioteca/Biblioteca.html>

Aviso legal

Se permite la utilización total o parcial de esta copia digital para fines sin ánimo de lucro siempre y cuando se cite la fuente



N NOM. DOM. AMEN



CUNCTIS vbique pateat evidentèr, & sit notum; quòd anno à nativitate Domini nostri Iesu. Christi *Millesimo, septingentesimo, quinto*, die verò VII. Martij, Pontificatus autem Sanctissimi in Christo Patris, & Domini Nostri, D. Clementis, Divina Providentia Papæ XI. anno quinto. Ego Notarius publicus infrascriptus vidi, legi, & diligentèr inspexi, quoddam sumprum, ex suo verò originali extractum tenoris sequentis, videlicèt. ¶ *CLEMENS PAPA X. ad perpetuam rei memoriam*: Militantis Ecclesiæ Regimini, meritis licèt imparibus, Divina dispositione præsidentes, ea, quæ ex circumspecta Romanorum Pontificum, Prædecessorum nostrorum providentia, ad eorum, qui sacrarum, aliarumquè bonarum litterarum studijs laudabiliter incumbunt, favorem non minùs prudentèr, quàm liberaliter emanasse noscuntur, vt firma semper, atque inviolabilia persistant, Apostolici muniminis nostri præsidio, cum id à nobis, petitur, libentèr constabilimus. Dudùm siquidem postquàm felicis recordationis Julius Papa secundus, Prædecessor noster tunc, & pro tempore existentes Rectorem, Collegiales, Regentes, Doctores, Magistros, Licentiatos, Bacchalaureos, Scholares, Cappellanos, Servitores, & Officiales Collegij per bonæ memoriæ *Franciscum*, dum vixit, tituli Sanctæ *Balbina* Presbyterum Cardinalem, Ecclesiæ *Toletanæ*, ex concessione, & dispensatione Apostolica Præsulem in Univeritate Studij Generalis Oppidi de *Alcalà de Henares*, *Toletanæ* Diocesis de licentia *Sedis Apostolicæ* erecti, & dotati, ac Executores, & Conservatores eis pro tempore quomodolibèt deputatos, eorumque bona quæcumque ab omni iurisdictione, superioritate, dominio, potestate, visitatione, & correctione Archiepiscopi *Toletani*, & quoruncumque aliorum Ordinariorum, eorumque Vicariorum, Officialium, & cæterorum quorumvis Iudicum tunc, & pro tempore existentium prorsùs, penitùs, & omninò exemerat, & liberaverat, ac sub Beati Petri, & Sedis Apostolicæ protectione susceperat, illosquè, & illa sibi, & Successoribus suis Romanis Pontificibus canonicè intrantibus, necnon dictæ Sedi duntaxat immediatè subiecerat: aliaquè eis privilegia, gratias, & indulta sub certis modo, & forma tunc expressis concesserat: & subinde recolendæ memoriæ *Julius Papa Tertius*, paritèr Prædecessor noster prævia cuiusdam litis extinctione Rectorem, Collegiales, Regentes, Lectores, Doctores, Magistros, Licentiatos, Bacchalaureos, Cappellanos, Servitores, Officiales, & Scholares Collegij, & Univeritatis huiusmodi adversùs quædam tunc expressa in pristinum

A

num

num statum restituerat, eosquè iuxta præfati Julij Secūdi, Prædecessoris concessionem exemptos, liberos, susceptos, & dictæ Sedi duntaxat subiectos esse decreverat, & declaraverat, ac indulta, & Privilegia Apostolica quæcumque Universitati, & Collegio prædictis quomodolibet concessa innovaverat, confirmaverat, & approbaverat: necnon circa visitationem, & correctionem Collegij, & Universitatis huiusmodi, eorumquè Rectoris, Collegialium, & aliarum personarum nonnulla ordinaverat: & aliàs, prout in eorundem Julij Secūdi, & Julij Tertij, Prædecessorum litteris desuper confectis plenius dicebatur contineri, piæ memoriæ *Clemens Papa Octavus*, etiam Prædecessor noster supplicationibus tunc existentium Rectoris, & Collegialium Collegij Sancti *Ildephonsi*, & Universitatis huiusmodi nomine sibi super humiliter porrectis inclinatus prævia exemptionis, liberationis, restitutionis, aliorumquè præmissorum confirmatione, approbatione, ampliacione, & extensione pro potiori cautela novam Rectori, & Collegialibus, alijsquè præfatis exemptionem concessit, cum diversis decretis, ordinationibus, privilegijs, & gratijs, ac alijs, prout vberius continetur in ipsius Clementis, Prædecessoris litteris desuper in simili forma brevis expeditis tenoris, qui sequitur videlicet. ¶ *CLEMENS PAPA VIII. ad perpetuum rei memoriam*: ex iniuncto nobis desuper Apostolicæ servitutis officio, ijs, quæ ad maiorem studiosorum quietem, & tranquillitatem Apostolica autoritate facta fuisse dicuntur, vt firmiora sint, libentè, cum à nobis petitur, robur Apostolicum adijcimus: dudum siquidem felicitis recordationis Julius Papa II. Prædecessor noster, sub datis videlicet Decimo Kalendas *Augusti*, Pontificatus sui anno nono, supplicationibus bonæ memoriæ *Francisci*, tituli Sanctæ *Balbinæ Præbyteri Cardinalis*, Ecclesiæ Toletanæ ex dispensatione Apostolica Præsulis inclinatus, tunc, & pro tempore existentes *Rectorem, Collegiales, Regentes, Doctores, Magistros, Licentiatos, Bacchalaureos, Scholares, Capellanos, Servitores, & Officiales Collegij* per dictum *Franciscum* de bonis sibi à Deo collatis, ac de licentia Sedis Apostolicæ antea erecti, & dotati in Universitate Studij Generalis Oppidi de *Alcalà de Henares*, Toletanæ Diocesis, ac Executores, & Conservatores eis pro tempore quomodolibet deputatos, eorumquè bona quæcumque ab omni iurisdictione, superioritate, dominio, potestate, visitatione, & correctione Archiepiscopi Toletani, & quoruncumque aliorum *Ordinariorum*, eorumque Vicariorum, Officialium, & cæterorum quoruncumque Iudicum tunc, & pro tempore existentium prorsus, penitus, & omninò exemptis, & liberavit, ac sub Beati Petri, & Sedis Apostolicæ protectione suscepit: illosque, & illa sibi, & Successoribus suis Romanis Pontificibus canonicè intransibus, necnon dictæ Sedi duntaxat immediatè subiecit: ac exemptos, liberos, susceptos, & subiectos fore decrevit: ita quòd Archiepiscopus, & alij locorum Ordinarij, Vicarij, Officiales, & Iudices præfati tunc, & pro tempore existentes per se, vel alium, seu alios in Rectorem, Collegiales, Regentes, Lectores, Doctores, Magistros, Licentiatos, Bacchalaureos, Scholares, Capellanos, Servitores, & Officiales Collegij, & Universitatis huiusmodi, ac Executores, & Conservatores prædictos, eorumquè personas, & bona tanquam prorsus exemptos, & exempta, etiam ratione delicti, contractus, domicilij, seu rei, de qua ageretur, ubicumque committeretur delictum, iniretur contractus, aut res ipsa consisteret, aliquam iurisdictionem, dominium, vel potestatem quomodolibet exercere, seu corrigere, aut apprehendere non possent; sed Rector pro tempore existens, ac Executores, & Conservatores pro tempore deputati coràm Sede prædicta, aut Legatis, vel Delegatis eius; Collegiales verò, Regentes, Lectores, Doctores, Magistri, Licentiati, Bacchalaurei, Scholares, Capellani, Servitores, & Officiales prædicti coràm eodem Rectore pro tempore existente duntaxat tenerentur de iustitia tam in civilibus,

decessores prædicti in suis litteris prædictis voluerunt non obstare, cæterisque contrarijs quibuscumque, aut si aliqui communiter, vel divisim ab eadem sit Sede indultum, quod interdicti, suspendi, vel excommunicari non possint per litteras Apostolicas non facientes plenam, & expressam de verbo ad verbum de indulto huiusmodi mentionem. Datum Romæ, apud Sanctum Petrum, sub annulo Piscatoris, die vigesima quinta Maij, Millesimo, Sexcentesimo, Pontificatus nostri anno nono. Cum autem sicut dilectus filius Doctor Antonius de la Canal, & Tobâr, Rector dicti Collegij Nobis nupèr exponi fecit, ipse præmissa, quò firmitus subsistant, & serventur exactius, Apostolicæ confirmationis nostræ patrocinio communiri summopere desideret; Nos ipsius Antonij Rectoris votis hac in re, quantum cum Domino possumus, annuere volentes, eumque à quibusvis excommunicationis, suspensionis, & interdicti, alijsquè Ecclesiasticis sententijs, censuris, & pœnis à iure, vel ab homine quavis occasione, vel causa latis, si quibus quomodolibet innodatus existit, ad effectum præsentium duntaxat consequendum, harum serie absolventes, & absolutum fore censentes, supplicationibus eius nomine Nobis super hoc humiliter porrectis inclinati de venerabilium fratrum nostrorû Sanctæ Romanæ Ecclesiæ Cardinalium negotijs, & consultationibus Episcoporum, & Regularium Præpositorum, qui supra scriptas preces examinarunt, consilio, præinsertas Clementis, Prædecessoris litteras, omniaquè, & singula in eis contenta, & expressa autoritate Apostolica tenore præsentium confirmamus, approbamus, & innovamus: illisque inviolabilis Apostolicæ firmitatis robur adiicimus, salva tamen semper in præmissis autoritate congregationis eorundem Cardinalium, decernentes easdem præsentis, & præinsertas litteras semper firmas, validas, & efficaces existere, & fore, suosquè plenarios, & integros effectus sortiri, & obtinere, ac illis, ad quos spectat, & pro tempore quodcumque spectabit, in omnibus, & per omnia plenissimè suffragari, & ab eis respectivè inviolabiliter observari. Sicquè in præmissis per quoscumque Iudices, Ordinarios, & Delegatos, etiam causarum Palatij Apostolici Auditores, ac eiusdem Sanctæ Romanæ Ecclesiæ Cardinales, & de Latere Legatos, & Apostolicæ Sedis prædictæ Nuntios, sublata eis, & eorum cuilibet quavis aliter iudicandi, & interpretandi facultate, & autoritate iudicari, & definiri debere, ac irritum, & inane, si secus super his à quoquam quavis autoritate scienter, vel ignorantèr contigerit attentari. Quo circa venerabili Fratri Episcopo *Abulensi*, & dilectis filijs *Abbatii Collegiatae Ecclesiæ Sanctorum Iusti*, & *Pastoris dicti Oppidi de Alcalà de Henares*, & Superiori, seu Priori, Commendatori nuncupato *Conventus Sanctæ Mariæ de Mercede Redemptionis Captivorum eiusdem Oppidi* per præsentis committimus, & mandamus, quatenus ipsi, vel duo, aut vnus eorum per se, vel alium, seu alios, vbi, & quando opus fuerit, & quoties pro parte Rectoris, & Collegialium, aliorumque prædictorum, seu alicuius eorum desuper fuerint requisiti, easdem præsentis litteras, & in eis contenta quæcumque solemniter publicantes, eisquè in præmissis efficacis defensionis præsidio assistants, faciant autoritate nostra illos præmissorum omnium, & singulorum commodo, & effectum pacificè frui, & gaudere; non permittentes, illos desuper à quoquam quavis autoritate quomodolibet indebitè molestari, perturbari, vel inquietari; Contradictores quoslibet, & Rebelles per censuras, & pœnas Ecclesiasticas, aliaquè opportuna Iuris, & facti remedia, appellatione postposita, compescendo, legitimisquè super his habendis servatis processibus, censuras, & pœnas ipsas, etiam iteratis vicibus, aggravando, invocato etiam ad hoc, si opus fuerit, auxilio brachij secularis, non obstantibus constitutionibus, & ordinationibus Apostolicis, necnon omnibus, & singulis illis, quæ in præinsertis Clementis, Prædecessoris litteris concessa sunt, non obstare, cæterisque contrarijs quibus-

quibuscumque. Datum Romæ, apud Sanctam Mariam *Maiorem*, sub annulo Piscatoris, die *vigesimaquinta Maij*, *Millesimo, sexcentesimo, septuagesimo, secundo*, Pontificatus nostri Anno *tertio*. Sumptum ex minuta originali Brevium secretorum felicis recordationis *Clementis Papæ Decimi*, collatum concordat. T. *Oliverius*: Loco ✠ Sigilli: Super quo quidem sumpto, Ego Notarius publicus infra scriptus præ lens transumptum confeci, & subscripsi, vt perinde valeat, ac si essent eadem litteræ originales: actum Romæ, vt supra, præsentibus Dominis *Joachino de Gregorijs*, & *Dominico Cacciacillani*, Testibus, ad præmissa vocatis, habitis specialiter, atque rogatis. Præinsertæ litteræ Apostolicæ felicis recordationis *Clementis*, Papæ *Decimi* cum suo sumpto revitæ concordant. *Ioannes Baptista Riganti*, Officialis deputatus. *Joseph*, Cardinalis Prædatarius. Ita est *Josephus de Andillij*, Notarius publicus. *Jo. Gregorius*.